

善本方志輯·第一編

中國地方志集成

康熙淄川縣志

# 中國地方志集成

善本方志輯·第一編 ②9

康熙  
淄川  
縣志

鳳凰出版社 ● 上海書店 ● 巴蜀書社

圖書在版編目（C I P）數據

中國地方志集成·善本方志輯·第一編 / 鳳凰出版社  
編. — 南京：鳳凰出版社，2014.5  
ISBN 978-7-5506-1218-1

I. ①中… II. ①鳳… III. ①中國—地方志 IV.  
①K29

中國版本圖書館CIP數據核字(2014)第101386號

中國地方志集成·善本方志輯·第一編

---

著 作 者	本 社 編 選
責 任 編 輯	王 愛 榮 吳 瓊
封 面 設 計	范 一 辛 姜 嵩

---


出 版 發 行	鳳凰出版傳媒股份有限公司 鳳凰出版社(原江蘇古籍出版社) 發行部電話025-83223462
出版社地址	南京市中央路165號,郵編:210009
出版社網址	<a href="http://www.fhcbs.com">http://www.fhcbs.com</a>
經 銷	鳳凰出版傳媒股份有限公司

---

印 刷	金壇市古籍印刷廠有限公司 江蘇省金壇市晨風路186號,郵編:213200
開 本	787×1092毫米 1/16
印 張	3420.5
版 次	2014年5月第1版 2014年5月第1次印刷
標 準 書 號	ISBN 978-7-5506-1218-1
定 價	44500.00圓(全七十八冊)

---

(本書凡印裝錯誤可向承印廠調換,電話:0519-82338389)



康熙淄川縣志



(清)

張 唐  
嶧 夢  
修 賈  
纂

《康熙淄川縣志》八卷首一卷，清康熙二十六年（一六八七）刊刻。現據鈔本影印。

目錄

# 序

文者天之所以顯道也經以詳其  
理史以詳其事盡之矣而史之分  
區則郡邑諸志尤重焉刻畫三才  
昭明萬禩所賴翰墨之功能與乾  
坤同壽耳不然史志不傳事之小

者固不足論矣將泰華嵩衡並不  
能指其峙在何方唐虞商周亦不  
復知其列于何代卽自號爲聰穎  
冠世之姿問之千秋四海事張目  
而止耳况能別險易之境治亂之  
蹟利弊之端賢愚淑慝之紛紜乎



然而輿圖郡國之志不可同而邑  
志尤與郡國有異蓋邑志所貴以  
詳審精核爲功者也乃秉筆之士  
漫以言簡而意盡爲高手誤矣信  
斯言也則麟經二百四十年中之  
數百言寥寥已盡矣而丘明公穀

連篇累牘不亦贅乎則文體之各有當也固矣而筆削盡致則更待之爲政者所謂人存而政舉者非乎予邑志之不修也有年蓋以官斯地者率視爲不急之務旣非錢穀刑名之考成可以登上選躋清

班而剗剔之貲又必待金錢始贍  
亦誰爲倡予和汝者是以崖畧雖  
完而束之高閣者數歲雖久奉

俞旨而掛壁竟若罔聞此固無足怪  
也丁卯之秋予得新志讀之流連  
累日蓋以予耳目之所及者因而

俯仰今古不能無所疑更不能無  
所感而究之忻慰無量矣其所疑  
者何也如鬼谷洞鄭公祠岑山公  
孫墓是也夫魁谷見之輿圖者累  
累秦楚間不一而足矣而梓潼山  
之洞尙不足容幽人數尺几榻令

儀秦挾冊其中不亦蹙乎鄭司農  
車轍之東也經過或未可知耳而  
此山之上數椽修廬亦未具也欲  
令數百門人露處而講業不更難  
乎則影借于陽丘之黌堂嶺也鹿  
皮公岑山棲託數十年昭昭列仙

傳中而予邑之東南萬峰雲際左  
俯滄溟而樵夫牧豎並未有能名  
岑山爲何地者夫此山豈其靈鷲  
能飛瑯琊善徙歟安得起古人而  
質之叩山靈而問之乎至公孫之  
祀于學宮也當自淄菑二字之衍

佛誤之志中辨已明矣而向來乃  
又有妄指一丘以實堂斧者夫皇  
宰無言淄澠何據此可信乎若王  
孝子之繭室今乃并不復知其處  
矣人之重丞相而輕孝子也一至  
此乎此則疑似之難定者也然而

往古之事若存若亡前賢之蹟傳  
疑傳信也亦久矣故回車之聖實  
沉留祠來蘇之橋南津志喜亦後  
人景慕之公情也與其過而去之  
不若過而存之猶足起人仰止之  
懷也百年之前昇平累代矣故予



一邑中旣已朝多顯仕而亦野饒  
素封卽田舍翁家皆高屋華軒出  
而飛轡洋洋聯騎塞路腰纏中動  
輒累數十金爲歌樓酒榭之資也  
至于園林臺榭分疆闔巧而城北  
中丞韓公之仙洲園尤爲第一其